

Powšitkowne WOZJEWJENJA

njedźelu, 27. apryla 2014

Swjedźenski nyšpor składnostnje swjatoprajenja

Towarstwo Cyrila a Metoda z.t. (TCM) přeprašuje wěriwych ze wšitkich serbskich wosadow wutrobnje na wosebity swjedźenski nyšpor tutu njedźelu, 27. apryla, w 14 hodź. do Chrósćic. Radujemy so a smy džakowni, zo so bamžej Jan XXIII. a Jan Pawoł II. na tutym dnju w Romje swjatoprajitaj. Wosebje džakowni móžemy Janej Pawołej II. za to być, štož je ze swojej wutrobnej přichilnosću za nas skutkował. Wjackróc je nas serbsce postrowił – 1996 w Berlinje a tež wjele lět jutry a hody z Roma – a 1999 skupinu Serbow we Vatikanje přijal. Jan XXIII. je Druhi Vatikanski koncil zwołał. Jako wusutk koncila móžemy mjez druhim Božu mšu w serbskej rěči swječić.

My Serbja smy tutymaj bamžomaj wosebity džak dołžni. Wopokažće to ze svojim wobdźělenjom na nyšporje, na kotrymž zanjese chór Lipa zhromadnje ze skupinu Poštyrjoch a džewjeć solistami ze swójskich rjadow, smyčkowym kwartetom a domjacymi pišćelami „Historiju wo zrowastanjenju Jězu Chrysta“ wot Heinricha Schütza w serbskej rěči. Jurij Špitank, předsyda TCM

Duchowny koncert w Róžeńće

Na dnju swjatoprajenja bamžow Jana Pawoła II. a Jana XXIII., njedźelu Božeje miłosće, 27. apryla, wuhotujetej chór a orchester Serbskeho ludoweho ansambla pod nawodom Gabriela Doná duchowny koncert w Róžeńčanskej swjatnicy. Nimo Ludwiga van Beethovenoweje sinfonije č. 6 „Pastorale“ zaklinčitej twórbje „Strowa sy Marija“ wot Jana-Pawoła Nagla a „Ecce sacerdos magnus“ wot Bjarnata Krawca. Duchowny koncert započnje so w 17 hodź.

Za wulět samostejacych so přizjewić

Samostejacy ze serbskich wosadow změja wutoru, 13. meje, swój lětuši zhromadny wulět z busom, kotryž powjedže do Annaberga-Buchholza w Rudnych horach. Zajimcy njech so hač do wutory, 29. apryla, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotlivych wsow so njedźelu do wulěta wozjewja.

Mejski nyšpor a wulět

Na mejski nyšpor štwórtk, 1. meje, w 17 hodź. su wšitcy młodostni wutrobnje do Róžanta přeprašeni. Nyšporej přizamknje so zhromadny wulět z kolesami.

TCM přeprašuje na mejski nyšpor do Róžanta

Na mejski nyšpor njedźelu, 4. meje, w 17.00 hodź. přeprašuje Towarstwo Cyrila a Metoda wšitkich wěriwych do hnadowneje cyrkwy w Róžeńće. Chrósćanski cyrkwinski chór jón wobrubu.

Duchowna hudźba z wosebitymi twórbami

Koncert w rjedže duchowna hudźba budže njedźelu, 4. meje, we 18 hodź. w Budyskej cyrkwi Našeje lubeje Knjenje. Budyski organist a komponist Feliks Brojer zahraje na pišćelach mjez druhim twórbu Bacha, Elgara a Händela, počahujo so tematisce na jutrowny čas. Ale chce so tež wosebitym jubilaram cyrkwinskeje hudźby wěnować, kaž w swoim času sławnemu, džensa pak hižo lědma znatemu patrej Hartmannej von An der Lan-Hochbrunnej (1863-1914). Nimo toho zahraje Feliks Brojer někotre ze svojich nowych kompozicijow.

Nyšpor z požohnowanjom motorskich

Popołdno z požohnowanjom motorskich zahaji so njedźelu, 11. meje, w 14 hodź. z nyšporom w Ralbičanskej cyrkwi. Přizamknje so wulět.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 10. meje. Wot 13 hodź. je přiležnosć k swjatej spowědži. Modlenje swjateho rózowca započnje so w 13.30 hodź. Róžowcej přizamknje so w 14 hodź. Boža mša, kotruž změje tachantski farar Wito Šćapan. Na nej wudžěli so tym, kotřiž sej to přeja, žalbowanje chorych. Po kemšach poskići so swačina.

Beneficny koncert we Łazku

Před kulisu Łazkowskeho Iniwoweho ěsa zarjaduje Towarstwo swjateje Filomeny njedźelu, 11. meje, w 14.30 hodź. beneficny koncert. Program wuhotuja Ralbičanscy pozawnisća, hudźbnik Měrćin Weclich, šulerjo Pančičanskeje zakładneje šule, muski chór Delany, Lajska džiwadłowa skupina Šunow-Konjegy, Wudworska rejowanska skupina kaž tež awtoraj Monika Kochowa a Beno Budar. Wunošk wužije so za nakup małego busa, kotryž ma so we wjacorych socialnych zarjadnišćach w bołharskim Razgradze wužiwać.

„Róžant – legendy, fakty, ludžo“ jako DVD

Ze serbsce a němsce rěčanymi tekstami je wušla DVD wo loni předstajenym sceniskim panoramje „Róžant – legendy, fakty, ludžo“. Nahrawali a zhotowili su jón kružkarjo SAEK Budyšin pod nawodom Michała Cyža. Dostać móža ju zajimcy w Róžeńce w Šoćic pjekarni a w drastowym wobchodze Marje Hrjehorjoweje.

Dzeń k natankowanju za maćerje

W Smochčanskim Domje biskopa Bena wotměje so sobotu, 17. meje, dzeń za maćerje k natankowanju. Raz wšědny dzeń za sobu a džěci doma wostajić, raz chwile za sebje měć a prosće natankować, je zaměr tutoho dnja, kotryž budže Steffi Hoffmann nawjedować. Zajimče měli so bórze přizjewić pak pod telefonowym čislom (03 59 35) 2 23 17 abo z mailku na referent@benno-haus.de.

Putniska jězba do Čěskeje

W marijanskim měsacu meji budže putniska jězba na znate putniske městna w Čěskej. Wopytamy Svatý Kopeček (cyркеj Wopytanja swjateje Marije) a Svatý Hostyn (Marije donjebjeswzaća). Přenocujemy w hotelu Flora w Olomoucu. Mjez druhim zeznajemy luboznu krajinu Morawy, krasne barokne cyrkwe, biskopske město Olomouc z baroknym hrodom a Kroměřiž z biskopskej lětnjej rezidencu a rjanym parkom (UNESCO). Jězba traje wot wutory, 6. meje, do pjatka, 9. meje. Přizjewić móžeće so pola Šmitec w Radworju, telefonowe čisło (03 59 35) 28 60, abo pola mje, telefonowe čisło (03 59 35) 2 04 25.

Terezija Kubašec

Putniskej jězbje do Słowjenskeje a Chorwatskeje kaž tež do Swjateho kraja

Lětuša přenja putniska jězba powjedže nas wot wutory, 3. junija, hač do wutory, 10. junija, do Słowjenskeje a Chorwatskeje. We wobłuku našeje kołožězby z busom chcemy putniske městno Brezje w Słowjenskej wopytać. Dalše cile su narodnej parkaj „Plitwicke jězory“ a „Krka“, Makerska riviera kaž tež město Dubrovnik. Dalša putniska jězba budže wot pónđzele, 15. septembra, hač do pónđzele, 22. septembra. Planowane je, zo podamy so z lětađlom do Swjateho kraja. Nadrobne informacije k woběmaj jězbomaj dóstanu zajimcy pod telefonowym čislom (01 63) 7 33 82 05.

Maćij Hadank